

**Қазақстан Республикасының Үкіметі мен Үндістан Республикасының Үкіметі арасындағы дипломаттық және қызметтік паспорттарды иемденуші азаматтардың өзара визасыз сапарлары туралы келісімге қол қою туралы**

Қазақстан Республикасы Үкіметінің Қаулысы 1999 жылғы 16 тамыз N 1163

Қазақстан Республикасының Үкіметі қаулы етеді:

1. Қазақстан Республикасының Сыртқы істер министрлігі ұсынған, Үндістан тарапымен алдын ала пысықталған Қазақстан Республикасының Үкіметі мен Үндістан Республикасының Үкіметі арасындағы дипломаттық және қызметтік паспорттарды иемденуші азаматтардың өзара визасыз сапарлары туралы келісімнің жобасы  
м а қ ұ л д а н с ы н .

2. Қазақстан Республикасының Сыртқы істер министрі Үндістан

тарапымен келіссөздер жүргізісін және уағдаластыққа қол жеткенде,  
Келісімнің жобасына принциптік сипаты жоқ өзгерістер мен толықтырулар енгізе отырып, Қазақстан Республикасы Үкіметінің атынан аталған келісімге қол қойсын.

3. Осы қаулы қол қойылған күнінен бастап күшіне енеді.

Қазақстан Республикасының  
Премьер-Министрі

Қазақстан Республикасының Үкіметі мен Үндістан Республикасы Үкіметінің арасындағы дипломаттық және қызметтік паспорттарды иемденуші азаматтардың өзара визасыз сапарлары туралы келісім

Бұдан әрі Тараптар деп аталатын Қазақстан Республикасының Үкіметі мен Үндістан Республикасының Үкіметі,

екі мемлекеттің арасындағы өзара достық қатынастарды одан әрі нығайтуға және ынтымақтастықты дамытуға ұмтыла отырып,  
төмендегілер туралы келісті:

1. Жарамды дипломаттық немесе қызметтік паспорттары бар Тараптар мемлекеттерінің бірінің азаматтары келген сәтінен бастап 30 (отыз) күнге дейінгі мерзімінен визасыз екінші Тарап мемлекетінің аумағына келеді, кетеді, транзитпен өтеді және уақытша бола алады. Осы Ереже бір дүркіндік сапар үшін ғана жарамды. Ерекше жағдайларда азаматы мүдделі Тараптың дипломатиялық өкілдігінің немесе консулдығының жазбаша өтініші бойынша екінші Тарап сұрау салынған визаны беруі т и і с .

2. Тараптар мемлекеттерінің бірінің азаматтары екінші Тарап мемлекетінің аумағында болатын кезінде осы Тарап мемлекетінің қолданылып жүрген заңдарын, оның ішінде шетелдік азаматтар мен азаматтығы жоқ адамдар үшін белгіленген тіркелу , болу және жүріп-тұру ережелерін сақтауға міндетті.

## 2 - б а п

1. Екінші Тараптың аумағында орналасқан кез келген Тараптың дипломатиялық өкілдігінің немесе консулдығының мүшелеріне, егер олар осы Тараптың азаматтары болып табылатын болса және жарамды дипломаттық немесе қызметтік паспорттардың иемденушілері болған жағдайда, мүдделі дипломатиялық өкілдіктің немесе консулдықтың жазбаша өтініші бойынша оның іссапары мерзіміне жарамды тұрақты тұруына арналған виза беріледі.

2. Екінші Тараптың аумағында орналасқан халықаралық ұйымдарда өз елінің өкілдері болып табылатын және дипломатиялық әрі қызметтік паспорттарды иемденуші Тараптардың бірінің азаматтары осы Баптың 1-тармағында айтылатын құқықтарды пайдаланатын болады.

3. Осы Баптың 1 және 2-тармақтарында аталған ережелер, егер олар дипломатиялық әрі қызметтік паспорттарды иемденушілер болса немесе балаларының аты-жөні әкесінің немесе анасының паспортына жазылған жағдайда, дипломатиялық өкілдік немесе консулдық мүшесінің зайыбына және олардың балаларына қатысты да қ о л д а н ы л а д ы .

## 3 - б а п

1. Тараптардың әрқайсысының өз шешімін дәлелдеп жатпастан екінші Тарап мемлекеті азаматының келуіне рұқсат беруден бас тартуға немесе оның осы мемлекеттің аумағында болу мерзімін қысқартуға құқығы бар.

2. Тараптардың әрқайсысының ерекше жағдайларда ұлттық қауіпсіздіктің, қоғамдық тәртіптің және денсаулық сақтаудың мүдделерін көздеп осы Келісімнің қолданысын толық немесе ішінара тоқтатуға құқығы бар.

3. Тарап мүмкіндігінше қысқа мерзімде, әрі кеткенде 24 сағат ішінде осындай шаралардың қабылданғандығы және тиісінше олардың күші жойылғандығы туралы екінші Тарапқа дипломатиялық арналар бойынша хабарлайды.

4 - б а п

Тараптар мемлекеттерінің Сыртқы істер министрліктері осы Келісім жасалған сәттен бастап әрі кеткенде отыз күн ішінде дипломатиялық арналар бойынша бір-бірімен қолданылып жүрген дипломаттық және қызметтік паспорттардың үлгілерін, сондай-ақ кез келген жаңа паспорттарды енгізуге дейін кем дегенде отыз күн бұрын олардың үлгілерін алмасады және оларды қолданудың тәртібі туралы хабарлайды.

5 - б а п

1. Тараптар мемлекеттерінің бірінің дипломаттық немесе қызметтік паспорттарын иемденуші азаматтары екінші Тарап мемлекеті аумағында паспорттарын жоғалтқан немесе бүлдірген жағдайда бұл туралы өздері жүрген мемлекеттің құзыретті органдарына хабарлауға тиіс, ал құзыретті органдар өз кезегінде мұндай азаматтарға паспорттарын жоғалтқаны туралы тіркеуді растайтын құжат беруі тиіс.

2. Осы адам азаматы болып табылатын мемлекеттің дипломатиялық немесе консулдық өкілдігі оған жоғалтқан құжатының орнына паспорт немесе оның жеке басын куәландыратын кез келген құжат береді.

6-бап

Осы Келісімді іске асыру барысында пікір алшақтығы туындаған жағдайда Тараптар оларды дипломатиялық арналар бойынша келіссөздер және консультациялар арқылы шешеді.

7-бап

Тараптардың өзара келісімі бойынша осы Келісімге толықтырулар мен өзгерістер енгізілуі мүмкін, олар осы Келісімнің ажырамас бөлігі болып табылатын жеке  
Х а т т а м а м е н р е с і м д е л е д і .

8 - б а п

## 1. Осы Келісім оның күшіне енуі үшін қажетті мемлекетішілік

рәсімдерді Тараптардың орындағаны туралы соңғы жазбаша хабарлама алынған күннен бастап күшіне енеді. Осы Келісім оның қолданысын тоқтату ниеті туралы Тараптардың бірі екінші Тарапқа жазбаша нысанда хабарлағанға дейін күшінде болады.

\_\_\_\_\_ қаласында бір мың тоғыз жүз тоқсан тоғызыншы жылғы "\_\_\_" \_\_\_\_\_ әрқайсысы қазақ, хинди, ағылшын және орыс тілдерінде екі дана болып жасалды және де барлық мәтіндердің күші бірдей. Осы Келісім ережелерін түсіндіруде пікір алшақтығы туындаса Тараптар ағылшын тіліндегі мәтінді басшылыққа алатын болады.

Қазақстан Республикасының    Үндістан Республикасының  
Үкіметі үшін                      Үкіметі үшін

Оқығандар:

Қобдалиева Н.

Омарбекова А.